

Ядерн селм сөрлгъиг уурултха гидж США-н оln-амтс некджана

НЬЮ-ЙОРК, июнин 30. (ТАСС). Ядерн селм сөрлгъиг уурулхмн гисн неквр США-д улм чангърдж баанә.

„Обществд цергллгънә американск нбкдирин комитет“ Чикаго балгъснд, „төвкнүн бәәлгънә төлә сургъмджин гол“ гидг организац бүрдәсмн. Соединенн Штатс атомн сөрлгъ кедгән уурултха гидж тер организац петиц тархаджана. Тер петициг, США-н президент Эйзенхауэрт илгәгч ил бичг кевтәгъәр бичдж. „Сөрлгъиг оньдиндән уурулхар бәәхдән Америк белниг“ президент герчлтхә гидж тедн дуудджацхана.

„Ядерн сөрлгъиг уурулхла, наадк ори-нутгуд чигн ядерн селмәр бийән агсджахиг уурулхд дөнъ-тусан икәр күргх“ гидж петицд келгдджәнә. Тиим йовдл, „цүүгәтә бәәлдлгъиг эвлүн кегъад, төвкнүн бәәлгъ тетгхд кех ишкдлд тусан күргджәх политическ өлмә бүрдәх билә. Тиим ишкдл кехлә, зер-зевиг агслгънас гаргъх кергт инспекц керглүлшго билә, юнъгад гихлә, ядерн сөрлгъиг икәр кехлә, ода бәәх эв-аргъар чигн медж авч болхмн“.

Тер петиц дор американск кесг тосмрта улс гаран тәвцхәдж, тедн дотр, мал аллгъар болн мах белдлгъәр кәдлдг улсин нбкцсн профсоюзин сегләтр-казначей Гормән, хувцхунр уйдг улсин нбкцсн профсоюзин сегләтр - казначей Розенблжм, американск газетн гильдин Чикагск отделенә ахлач Марсимьяк, Рузвельтин нертә университетин президент Спарлинг, тер университетин, Чикагск болн барунар үзгин университетсин кесг профессормуд, оln багшир, Чикаго балгъсна, атомн халхар кәдлдг учени улсин нбкцәнә ахлач Уилиям Девидсон, нань чигн улс.

„Ядерн селмиг хагълдж сөрлгән эрк биш США уурултха“ гидж дуудсн петицд Вашингтон штатин университетин хойр мингън студентир Сиэтли балгъснд гар тәвсиг бар сонъсхджана.

Тер университетин студентрин „Юниверсити оф уошингтон дейли“ гидг газет, тууджин прсфессор Макс Севелла кесн герчллгъ барлдж. Унн-

днь ухалад тоолхла, ядерн күчиг күмни кишг элвджүлхин төлә олзлх кергтәнә ил медгдджәнә гидж тер герчллгънд келгдджәнә.

Коннектикут штатд бәәх Нью-Бритн гидг промышленн балгъснд штатин хурлмудин советин гардачнрин совещань болснд, атомн боли водородн бомбс сөрлгъиг нарт делк делгүднъ эрк биш уурулхидуудгч резолюцин проект штатин хурлмудт цугъараднә илгәхмн гисн шиидвр батлдж авгдв.

Ядерн селм сөрлгъиг әмтнәс түрүн болдж США уурултха гидж мини орулдж өгсн селвиг чик гидж дөнънгч бичгүд йир олар әмтнәс авчанаг гисн сенатор-демократ Морзе (Орегон гидг штат) одахн сенатд герчлв.

Водородн бомбин тускар Соединенн Штатсин бәрджәх политик нарт делкәд кенднъ болв чигн „тааста биш“ боллгън түргәр медгдв гидж, июнь сард Миннеаполис балгъснд, газадин политикин туск төрәр болсн конференц деер сенат демократ Хәмфри (Миннесота Штат) герчлв. Ядерн селм сөрлгъиг уурулхмн гидж Миннесот штатин губернатор Фримән дуудвр кеджәнә.

Зер-зевиг агслгънас гаргъхин туст США-н бәрджәх политикиг американск барин кесг органс бурушалжацхана. США ядерн селм сөрлгъ кәддәх невадск полигон тал хәләджәх хәләцән сольдж, зер-зевиг агслгънас гаргългъна туст күүндвр келгънур хәләтхә гидж „Лейбор дейли“ гидг газет Эйзенхауэриг дуудджана.

Лос-Анжелост гардг негритянск „Трибюн“ газетин редактор госпожа Ломәкс одахн барлсн редакционн статьядан, ядерн селм сөрлгъиг уурулдж, ядерн селмәр агслгъиг уурулхмн гидж некджәнә.

Атомн селмәр агслгъ кегъад бәәлгън — әәмшгтә төр. СССР-ләни-төвкнүн бәәддж болх эв-аргъ баанә. „Тер аргъиг олдж авх төр—мана политическ наукин гардачнрин боли специалистнрин эркн төр“. Болв бидн эврән „цугъар күн болгън“: „Ядерн сөрлгъ кедгән эрк биш уурултн“ гидж келджәнәвдн гигәд Ломәкс статьягъан төгсгджәнә.